

ի քաղաքն Հալէպ. ի թվին ՌձՁՁ.ին (= 1737) Հոկ. ԺԸ.ին և Ծ. օր Հալւապ Չըխրլի խան նստայ. յետոյ գնացի Դամասկոս, որ և ուխտեմ անտի ի սբ քաղաքն Երուսաղէմ գնամ և խըսմէթ լինի ամէն քրիստոնէից և այս ճաշոց գիրքն բազում անգամ ընթերցայ-գրողաց և յիշատակ տվողաց... մին, Հայր մեր և մին յողջոյն ասացի:» (Հաղպի Զեռ. Թ. 136):

ԵՐԵՄԻԱ. ՉԷԼԷՊԻ ՀԱՄԹԵՑԻ.— Որդին Մաղաքիա Չէլէպի, թոռն Գասպար Չէլէպի. 1649ին Պոլիս կը փոխադրուի ընտանեօք, վէզիր Ահմէտ փաշայի հետ, որուն սիրելի եղած էր. կ'ազատէ իր ազգեցութեամբը քսան եւ հինգ հայ թիապարտները, կը վախճանի 1649 ին կամ 1650 ին եւ կը թաղուի Պալլզլի գերեզմանատունը. (Թժայ. էջ 50.):

Երեմիա Չէլէպի Ս. Յակոբի վանքին յիշատակ թողած է ոսկեկուռ խաչ մը և մէկ ոսկի սկիհ մը, իբր նուէր յիշատակի (ՄՁ. Թ. 532). իր մասին տեսնել նաեւ (Թորոս Աղբար, Բ. էջ 397):

ԵՐԵՄԻԱ. ՉԷԼԷՊԻ ՔԷՕՄԻԻԲՃԵԱՆ, ՊՈԼՍԵՑԻ.— Ծ. 1635ին. որդի Մարտիրոս քհ.ի, որ նարվէրցի մհտ. Ամբակումի քրոջ աղջկան հետ ամուսնանալով՝ Երուսաղէմի Գրիգոր Պարոնտէր պատրիարքէն քահանայ ձեռնադրուած էր Ս. Յակոբի մէջ. իր անդրանիկ որդին էր Երեմիա Չէլէպի. որ յետոյ որդեգիրը եղաւ իր մօրեղբորը (Թորոս Աղբար Բ. էջ 403): Ուխտաւորութեամբ Ս. Յակոբի վանքը կ'այցելէ նախ մօրը քեռի մհտ. Ամբակումի և Դարանաղցի Գրիգոր վրդ.ի եղբոր Մարկոսի հետ. ՌՂԸ (= 1649) թուին, ըստ Տարեգրական պատմութեան Երեմիա Չէլէպիի, այս ուխտաւորութեան կ'ընկերանային Պոլսի վեց եկեղեցիներէն 90 անձեր, որոնց գլխաւորներն էին Քիպիհի Չիրաք Քրիստիանի Մուրաք, Մոսալիքի Ղազփան, Էփեփհի Կիրակոս, Շեհրի Տեր Գրիգոր, Տեփրիկցի Տեր Բարսեղ եւ Մաս-գեղցի Տեր Ղազար (Եր. Չեղ. Օր.): Չէլէպին Բ. անգամ Ս. Յակոբի վանքը կ'այցելէ Բերիայէն, Եզրիզար կթղ.ին շիթները հանգարտեցնելու համար 1664 ին, եւ կը մնայ մինչեւ 1666 եւ կը դառնայ Պոլիս. (Չաւջ. Գ. էջ 702). 1685ին ալ ուղևորած է Էջմիածին. Եզրիզար կթղ.ի և Մարտիրոս Ղրիմցիի պայքարներու մասին Երեմիա Չէլէպիի միջամտութեան մանրամասնութիւնները տեսնել